

41
8. júní

S A M Þ Y K K T

fyrir Fiskræktar- og veiðifélag Miðdæla.

1. gr.

Félagið heitir Fiskræktar- og veiðifélag Miðdæla. Heimili þess og varnarþing er á Þingstað hreppsins, Nesodda.

2. gr.

Markmið félagsins er, að auka laxveiði á félagssvæðinu og arð af henni með:

1. Laxaklaki.
2. Að reka laxveiði fyrir alla félagsmenn sameiginlega á einum stað eða fleirum ef henta þykir.

3. gr.

Félagið hefir umráð yfir öllum rétti til laxveiða í Miðá, Tungá og Svalbarðafossi og Hundadalsá í Miðdalahreppi í Dalasýslu. Félagsmenn eru ábúendur allra þeirra jarða, sem veiðiréttur fylgir, en þær eru þessar:

Harrastaðir, Stóri-Skógur, Miðskógur, Kirkjuskógur, Kvennabrekka, Kringla, Svalbarð, Sauðafell, Erpstaðir, Þórólfsstaðir, Fellsendi, Gröf, Breiðabólsstaður, Hlíðartún, Skallhóll, Hundadalur fremri, Hundadalur neðri, Bær, Skörð, Hamraendar, Gilsbakki, Harðaból, Skógskot.

4. gr.

Veiðiaðferð og veiðitæki félagsmanna skal aðalfundur ákveða til eins eða fleiri ára í senn, innan þeirra takmarka, sem lög mæla fyrir.

5. gr.

Félagsstjórninni er heimilt að leigja ár á félagssvæðinu eða hluta af þeim einstökum mönnum eða félögum til stangarveiði, ef sýnilegt þykir að það sé hagur fyrir félagið. Þó má það leyfi eigi vera til lengri tíma en eins árs, nema lögmætur fundur samþykki og tekið hafi verið fram í fundarboði að slíkt veiðileyfi yrði til umræðu. Arður af slíkri veiði skiptist milli félagsmanna eftir arðskrá.

6. gr.

Nú tekur félagið upp sameiginlega veiði og ræður það þá mann sem stendur fyrir veiðinni. Hann nefnist veiðistjóri. Veiðistjóri annast um framkvæmdir félagsveiðinnar. Ræður hann menn sér til aðstoðar eftir þörfum. Hann sér um verkun og sölu á veiðinni, og færir alla reikninga þar að lútandi. Allt í samræmi við félagsstjórn.

7. gr.

Til þess að auka laxveiðina skal félagið setja svo mörg laxaseiði í árnar, sem ástæður leyfa, og eigi minna en 50 seiði fyrir hvern lax sem veiðist á félagssvæðinu.

Kostnaði við það skal jafna á félagsmenn eftir þeim hlutföllum sem arðskrá félagsins til tekur.

8. gr.

Stjórnina skipa 3 menn: formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig: Formaður gengur úr eftir eitt ár, annar meðstjórnandi eftir hlutkesti eftir tvö ár. Síðan helzt sama röð. Enginn atkvæðisbær félagsmaður getur skorazt undan kosningu, nema lögmæt forföll hamli, eða hann hafi verið þrjú ár í stjórn samfleytt.

Að jafnlöngum tíma liðnum er hann skyldur að taka við kosningu.
Formaður skal kosinn á aðalfundi ár hvert.

41
8. júní

9. gr.

Stjórnin hefir á hendi umsjón með öllum framkvæmdum félagsins milli aðalfunda. Hún ræður starfsmenn og gerir við þá samninga um kaup og önnur kjör, enda samþykki lögmaður félagsfundur þá samninga. Hún hefir eftirlit með því að samþykkt félagsins sé hlýtt og má ráða menn sér til aðstoðar.

Formaður er fulltrúi félagsins út á við og hefir yfirumsjón með störfum félagsins og fjárreiðum þess öllum. Afl atkvæða ræður úrslitum mála á stjórnarfundum.

10. gr.

Aðalfundur heldur félagið í febrúar eða marz ár hvert. Aðalfundur er lögmaður:

- a. Ef hann er boðaður skriflega með minnst þriggja daga fyrirvara og sé fundar-efnis getið í fundarboði.
- b. Sé $\frac{1}{3}$ félagsmanna og meiri hluti stjórnar mættur á fundinum.

Nú er aðalfundur ekki lögmaður og skal þá boða til hans á ný með minnst þriggja daga fyrirvara, og er þá fundurinn ávallt lögmaður. — Á aðalfundi skýrir stjórnin frá störfum félagsins á liðnu starfsári, leggur fram tillögur og áætlun um starfsemi þess á næsta ári. Þar leggur hún og fram endurskoðaða reikninga félagsins og úrskurðar fundurinn um þá. Aðalfundur kys stjórn og tvo endurskoðendur félagsreikninga.

Hann ákveður um laun stjórnar.

Afl atkvæða ræður úrslitum mála á fundum nema um breytingar á samþykktum sé að ræða eða félagsslit.

11. gr.

Félagsfundur heldur stjórnin þegar henni þykir ástæða til, eða ef $\frac{1}{4}$ félagsmanna æskir þess og tilgreinir fundarefni.

12. gr.

Reikningsár félagsins er almanaksárið. Gjaldalagi allra gjalda félagsmanna er 20. okt. ár hvert. Reikningar skulu fullgerðir fyrir aðalfund og lagðir þar fram endurskoðaðir til úrskurðar.

13. gr.

Arði af sameiginlegri veiði og aðrar tekjur, svo og öllum gjöldum er af starfsemi þess leiða, skal skipt niður á félagsmenn samkvæmt arðskrá, sem lögmaður fundur samþykkir og undirrituð er af $\frac{2}{3}$ félagsmanna.

Gildir hún til 5 ára í senn. Náist ekki samkomulag um nýja arðskrá að þeim tíma liðnum, gildir gamla arðskráin áfram.

14. gr.

Eigi má úthluta arði samkvæmt 13. gr. fyr en eftir aðalfund, enda sé tekjuafgangur í ársreikningi félagsins. Verði útgjöld meiri en tekjur skal jafna þeim niður á félagsmenn eftir þeim hlutföllum sem arðskrá ákveður.

15. gr.

Brot gegn samþykkt þessari varða sektum allt að 500 kr. og veiði eða andvirði hennar gerð upptæk og renni í félagssjóð.

16. gr.

Lögum þessum verður ekki breytt nema $\frac{2}{3}$ félagsmanna á aðalfundi samþykki breytinguna.

41
8. júní

17. gr.

Félaginu má slíta ef $\frac{2}{3}$ félagsmanna samþykkja það. Eignir, sem félagið kann þá að eiga, skiptast milli félagsmanna samkvæmt arðskrá. Á sama hátt skulu félagsmenn greiða skuldir félagsins, ef einhverjar eru.

Samþykkt þessi staðfestist hér með samkvæmt lögum nr. 61 23. júní 1932, um lax- og silungsveiði, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 8. júní 1938.

Hermann Jónasson.

Páll Pálmason.

42
8 júní.

ARÐSKRÁ OG GJALDSKRÁ

fyrir Fiskræktar- og veiðifélag Miðdæla.

Bæjanöfn:	Arður og gjöld.
Harrastaðir	19,5%
Stóri-Skógur, Skógskot	2,0—
Miðskógur	3,5—
Kirkjuskógur	0,5—
Kvennabrekka	1,2—
Kringla	0,3—
Svalbarð	1,5—
Sauðafell	12,5—
Erpstaðir	0,4—
Þórólfsstaðir	3,0—
Fellsendi	1,0—
Gröf	3,0—
Breiðabólsstaður	2,5—
Hlíðartún	2,6—
Skallhóll	3,0—
Hundadalur fremri	5,0—
Hundadalur neðri	1,0—
Bær	2,0—
Skörð	8,5—
Hamraendar	5,0—
Snóksdalur, Gilsbakki	15,5—
Harðarból	6,5—

Gjaldskrá þessi staðfestist hér með samkvæmt lögum nr. 61 23. júní 1932, um lax- og silungsveiði, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnu- og samgöngumálaráðuneytið, 8. júní 1938.

Hermann Jónasson.

Páll Pálmason.